

S2942
645

徐氏醫書八種



序

王叔和傷寒例云今搜採仲景舊論錄其證候診脈聲色對病真方擬防世急則知傷寒論當時已無成書乃叔和之所搜集者雖分定六經而語無詮次陽經中多陰經治法陰經中多陽經治法參錯不一後人各生議論每成一書必前後更易數條互相訾議各是其說愈更愈亂終無定論不知此書非仲景依經立方之書乃救誤之書也其自序云傷天橫之莫救所以尋求古訓博採衆方蓋因誤治之後變證錯雜必無循經現證之理當時著書亦不過隨證立方本無一定之次序也余始亦疑其有錯亂乃探求三十年而後悟其所以然之故於是不類經而類方蓋方之治病有定而病之變遷無定知其一定之治隨其病之千變萬化而應用不爽此從流溯源之法病無遁形矣至於用藥則各有條理解肌發汗攻邪散痞逐水驅寒溫中除熱皆有主方其加減輕重又各有法度不可分毫假借細分之不外十二類每類先定主方卽以同類諸方附焉其方之精思妙用又復一一註明條分而縷悉之隨以論中用此方之證列於方後而更發明其所以然之故使讀者於病情藥性一目顯然不論從何經來從何經去而見證施治與仲景之意無不吻合豈非至便之法乎余纂集成帙之後又復鑽窮者七年而五易其稿乃無遺憾前宋朱肱活人書亦曾彙治法於方後但方不分類而又無所發明故閱之終不得其要領此書之成後之

讀傷寒論者庶可以此爲津梁乎

乾隆二十四年歲在屠維單闕陽月上浣涇溪徐大椿序



北京中医药大学图书馆版权所有

傷寒論類方目錄

桂枝湯類一十九方

桂枝湯

桂枝加附子湯

桂枝加桂湯

桂枝去芍藥湯

桂枝去芍藥加附子湯

桂枝加厚朴杏仁湯

小建中湯

桂枝加芍藥生薑人參湯

桂枝甘草湯

茯苓桂枝甘草大棗湯

桂枝麻黃各半湯

桂枝二麻黃一湯

桂枝二越婢一湯

桂枝去桂加茯苓白朮湯

桂枝去芍藥加蜀漆龍骨牡蠣救逆湯

桂枝甘草龍骨牡蠣湯

桂枝加葛根湯

桂枝加芍藥湯

桂枝加大黃湯

麻黃湯類二十六方

麻黃湯

麻黃杏仁甘草石膏湯

大青龍湯

小青龍湯

麻黃附子細辛湯

麻黃附子甘草湯

葛根湯類三方

葛根湯

葛根黃芩黃連湯

葛根加半夏湯

傷寒類方
柴胡湯類四方

目錄

北京中医药大学图书馆藏

小柴胡湯

大柴胡湯

柴胡加桂枝湯

柴胡加龍骨牡蠣湯

柴胡桂枝乾薑湯

柴胡加芒硝湯

梔子湯類五方

梔子豉湯

梔子甘草豉湯

梔子生薑豉湯

梔子乾薑湯

梔子厚朴枳實湯

梔子柏皮湯

枳實梔子豉湯

承氣湯類六十二方

大承氣湯

小承氣湯

調胃承氣湯

桃仁承氣湯

抵當湯

抵當丸

十棗湯

大陷胸湯

大陷胸丸

小陷胸湯

白散

麻仁丸

瀉心湯類七十一方

生薑瀉心湯

甘草瀉心湯

半夏瀉心湯

大黃黃連瀉心湯

附子瀉心湯

黃連湯

黃芩湯

黃芩加半夏生薑湯

乾薑黃連黃芩人參湯

旋復代赭石湯

厚朴生薑甘草半夏人參湯

白虎湯類八方

白虎湯

白虎加人參湯

竹葉石膏湯

五苓湯類九方

五苓散

猪苓湯

文蛤散

茯苓甘草湯

四逆湯類十方

四逆湯

四逆加人參湯

通脈四逆湯

通脈四逆加猪膽汁湯

乾薑附子湯

茯苓四逆湯

白通湯

白通加猪膽汁湯

四逆散

當歸四逆湯

當歸四逆加吳茱萸生薑湯

理中湯類十一方

理中丸

真武湯

附子湯

甘草附子湯

桂枝附子湯

桂枝附子去桂加白朮湯

茯苓桂枝白朮甘草湯

芍藥甘草附子湯

桂枝人參湯

雜方十二方

傷寒類方

目錄

二



赤石脂禹餘糧湯

炙甘草湯

甘草乾薑湯

芍藥甘草湯

茵陳蒿湯

麻黃連軀赤小豆湯

瓜蒂散

麻黃升麻湯

黃連阿膠湯

吳茱萸湯

半夏散及湯

桃花湯

豬膚湯

甘草湯

桔梗湯

苦酒湯

烏梅丸

白頭翁湯

牡蠣澤瀉散

蜜煎導方

豬膽汁方

燒褌散

以上共一百十三方



傷寒論類方

吳江徐大椿靈胎編輯

桂枝湯類一

桂枝湯一

桂枝三兩 芍藥三兩 甘草二兩

生薑三兩 大棗十二枚

右五味咬咀以水七升微火煮取三升去滓適寒溫

服一升服已須臾飲熱稀粥一升餘以助藥力

桂枝本不能發汗故須助以熱粥內經云穀入於胃以傳於肺肺主皮毛汗所從出飲粥充胃氣以達於肺也

觀此可知傷寒不禁食矣

溫覆令一時許遍身熱熱微似有汗者益佳不可令如水淋漓病不必除此解肌之法也若如水流瀉則

動榮氣衛邪仍在

若一服汗出病瘥停後服不必盡劑若不汗更服依前法又不汗後服小促其間半日許令

三服盡若病重者一日一夜服周時觀之服一劑盡病證猶在者更作服若汗不出乃服至二三劑

湯全料謂之一劑三分之一謂之一服古一兩今二錢零則一劑之藥除薑棗僅一兩六錢零一服不過五錢零矣治傷寒大症分兩不過如此一服即汗不再服無汗服至二三劑總以中病為主後世見

服藥得效者反令多服無效者即疑藥誤又復易方無往不誤矣

禁生冷粘滑肉麵五辛酒酪及臭惡等物

太陽中風陽浮而陰弱

風在外故陽脈浮衛氣有邪則不能護榮故陰脈弱

陽浮者熱自發

風為陽邪故發熱桂枝之辛以散之

陰弱者汗自出

芍藥之酸

以收之甘草之甘以緩之

啻啻惡寒淅淅惡風

惡風未有不惡寒者但惡寒甚輕非若中寒及陰經之甚也

翕翕發熱

其熱亦不如

鼻鳴乾嘔者

傷寒類方

桂枝湯



似屬陽明乾嘔似屬少陽蓋三桂枝湯主之此桂枝湯相近故略有兼病但不甚耳太陽病頭痛發熱汗出惡風者桂枝湯主之此桂枝湯總症

陽病下之後其氣上衝者可與桂枝湯方用前法此誤下之症誤下而仍上衝則邪氣猶在腸分故仍用桂枝湯

枝發表若不上衝則其邪已下陷變病不一當隨宜施治論中誤治諸法詳觀自明

太陽病初服桂枝湯反煩不解者先刺風池風府却與桂枝湯則愈此非誤治因風邪凝結於太陽之要路則藥力不能流通故刺以解其結蓋邪風太甚不僅在衛而在經刺之以洩經氣風府一穴在頂上入髮際一寸大筋內宛宛中督脉陽維之會刺入四分

分留三呼風池二穴在顛顛後髮際陷者中足少陽陽維之會針入三分留三呼

太陽病外症未解者不可下也此禁下總訣下之為逆欲解外者宜服言雖有當下之症而外症未除亦不可下仍宜解外

而後太陽病先發汗不解而復下之脈浮者不愈浮為在外而反下之故令不愈今脈浮故知在外當須解外則愈宜服脈浮而下此為誤下下後仍浮則邪不因誤下而陷入仍在太陽不得因已汗下而不復用桂枝也

和者外不諧以衛氣不共榮氣和諧故爾榮氣和者言榮氣不病非調和之和故又申言之以榮行脉中衛行脉外復發其汗榮

衛和則愈宜桂枝湯自汗與發汗迥別自汗乃榮衛相離發汗使榮衛相合自汗傷正發汗驅邪復發者因其自汗而更發之則榮衛和而自汗反止矣病人藏無他病

時發熱自汗出而不愈者此衛氣不和也先其時發汗則愈宜桂枝湯主之無他病太陽諸症不必備而惟發熱自汗故亦

用桂枝湯傷寒不大便六七日宜下頭痛有熱者未可與承氣湯太陽症仍在不得以日久不便而下也按未可二字從金匱增入傷寒論失此二字

其小便清者知不在裏仍在表也便赤為裏有熱當須發汗若頭痛者必衄汗出而頭痛未解則宜桂枝湯

字

傷寒發汗解半日許復煩脉浮數者可更發汗發汗未透故煩乃宜桂枝湯傷寒醫下之續得下痢清

穀不止表身疼痛者表急當救裏此誤下之症邪在外而引之入陰故便清穀陽氣下脫可危雖表証未除而救裏為急傷寒論不可下篇云誤下寒多者便清穀熱多者便

血腹後身疼痛清便自調者急當救表清穀已止疼痛未除仍從表治蓋凡病皆當先表後裏惟下痢清穀則以扶陽為急而表証為緩也表裏分治而序不亂後人欲以一方

治數症必救裏宜四逆湯救表宜桂枝湯太陽病發熱汗出者此為榮弱衛強故使汗出欲救邪風者

宜桂枝湯提出邪風二字見桂枝為驅風聖藥陽明病脉遲汗出多微惡寒者表未解也可發汗宜此方陽明本自多汗但不惡寒而惡

熱今多汗而猶惡寒則仍在太陽矣雖陽明病而治從太陽太陰病脉浮者可發汗宜桂枝湯太陰本無汗法因其脉獨浮則邪仍在表故亦用桂枝從脉不從証也

病人煩熱汗出則解又加瘧狀有時日晡所發熱者屬陽明也日晡發熱則為陽明之潮熱而非瘧矣脉實者宜下之脉虛

浮者宜發汗一症而治法迥別全以脉為憑此亦從脉而不從証之法下之與大承氣湯發汗宜桂枝湯下痢腹脹滿裏身疼痛者

表先溫其裏乃攻其表溫裏宜四逆湯攻表宜桂枝湯此節屬厥陰証未必由誤治而得然既見表証亦宜兼治吐痢止而身痛不

休者當消息和解其外宜桂枝湯小和之裏症除而表証猶在仍宜用桂枝法輕其劑而加減之可也傷寒大下後復發汗再心下

痞邪入中焦惡寒者表未解也不可攻痞當先解表表解乃可攻痞解表宜桂枝湯攻痞宜大黃黃連瀉心湯

苦寒開降之法詳見後

桂枝加附子湯二

傷寒類方

桂枝湯

三

桂枝湯原方加附子一枚炮去皮破八片右六味以水七升煮取三升去渣溫服一升

太陽病發汗遂漏不止此發汗太過如水流瀉或藥不對症之故其人惡風中風本惡風汗後當愈今仍惡風則表邪未盡也小便難津液少四肢微急

難以屈伸四肢為諸陽之本急難屈伸乃津脫陽虛之象但不至亡陽耳若更甚而厥冷惡寒則有陽脫之慮當用四逆湯矣桂枝加附子湯主之桂枝同附子服則能止汗回陽

桂枝加桂湯三桂枝原方加桂二兩即另立湯名治症迥別古聖立方之嚴如此

桂枝湯原方加桂二兩右五味以水七升煮取三升去滓溫服一升

燒針令其汗針處被寒復感新寒核起而赤者必發奔豚氣從小腹上衝心者灸其核上各一壯不止一針灸云各一壯

與桂枝加桂湯重加桂枝不特禦寒且制腎氣又藥味重則能達下凡奔豚症此方可增減用之

桂枝去芍藥湯四

桂枝湯原方去芍藥右四味以水七升煮取三升溫服一升

桂枝去芍藥加附子湯五

即前方加附子一枚炮去皮破八片餘依前法

太陽病下之後脈促胸滿者中虛而表邪仍在桂枝去芍藥湯主之太陽之邪未盡故用桂枝下後傷陰不宜更用涼藥若微惡寒者去芍

藥方中加附子湯主之微惡寒則陽亦虛矣故加附子

桂枝加厚朴杏仁湯 六

桂枝湯原方加厚朴

二兩炙 去皮

杏仁

五十枚

右七味以水七升微火煮取三升溫服一升覆取微似汗

喘家作桂枝湯加厚朴杏仁佳

別錄厚朴主消痰下氣 本經杏仁主咳逆上氣

太陽病下之危喘者表未解故也此湯主之

乃本然之喘此乃誤下之喘因殊而法一

小建中湯 七

桂枝湯原方加膠飴 一升

右六味以水七升煮取三升去滓納飴更上微火消解溫服一升日三服

嘔家不可用建中湯以甜故也

傷寒陽脉濇陰脉弦

中宮之陽氣虛則木來乘土故陽濇而陰弦也

法當腹中急痛先與小建中湯

膠飴大甘以助中宮

不差者與小柴胡

湯主之

治太陰不愈變而治少陽所以疎土中之木也以脉弦故用此法

傷寒二三日心中悸而煩者小建中湯主之

悸而煩其為虛煩可知故用建

中湯以補心脾之氣蓋梔子湯治有熱之虛煩此治無熱之虛煩也

桂枝加芍藥生薑人參新加湯 八

桂枝湯原方芍藥生薑各增一兩加人參三兩

右六味以水一斗二升煮取三升去滓溫服一升以此

多煎為妙取其味厚入陰也

傷寒類方

桂枝湯

三



發汗後身疼痛

表未盡

脉沈遲

氣虛此湯主之

邪未盡宜表而氣虛不能勝散藥故用人參凡素體虛而過汗者方可用

桂枝甘草湯

九

桂枝

四兩 二兩 去皮 炙

右二味以水三升煮取一升頓服

此以一劑為一服者

發汗過多其人叉手自冒心心下悸欲得按者此湯主之

發汗不誤誤在過多汗為心之液多則心氣虛二味扶陽補中此乃陽虛之輕者甚則振振欲

辨地則用真武湯矣一症而輕重不同用方迥異其義精矣

茯苓桂枝甘草大棗湯

十

茯苓

半斤 桂枝 四兩 二兩 去皮 炙

大棗

十二枚 擘

右四味以甘爛水一斗

以水二斗揚之萬遍取用爛水大約取其動極思靜之意

按甘先

煮茯苓

凡方中專重之藥法必先煮

減二升納諸藥煮取三升去渣溫服一升日三服

發汗後其人臍下悸者欲作奔豚此湯主之

心下悸是擾胸中之陽臍下悸則因發汗太過上焦乾涸腎水上救故重用茯苓以制腎水桂枝以治奔豚

桂枝麻黃各半湯

十一

桂枝

一兩十六銖 芍藥

生薑

甘草

炙 麻黃

去節各一兩

大棗

四枚

杏仁

二十四枚去皮及雙仁者

右七味以水

五升先煮麻黃一二沸去上沫

欲去沫故先煮

納諸藥煮取一升八合

減去三之一

去滓溫服六合一云桂枝湯三

合麻黃湯三合頓服將息如上法



煮麻黃一二沸去上沫納諸藥煮取二升去渣溫服一升

附越婢方

麻黃六兩 甘草二兩 石膏 生薑三兩 大棗

十五枚

太陽病發熱惡寒熱多寒少脉微弱者此無陽也不可更汗

此無陽與亡陽不同并與他處之陽虛亦別蓋其人本非壯盛而邪氣亦輕故身有寒熱

而脉微弱若發其汗必至有义手冒心臍下悸等症故以此湯清疎榮衛令得似汗而解况熱多寒少熱在氣分尤與石羔為宜古聖用藥之審如此 按以上三方所謂一二各半之說照方計算並不對準未知何說或云將本方各煎或一分或二分相和服此亦一法但方中又各藥注明分兩則何也存者

桂枝去桂加茯苓白朮湯 十四

芍藥 三兩

甘草 二兩

生薑

茯苓

白朮 各三兩

大棗 十二枚

右六味以水八升煮取三升去滓溫

服一升小便利則愈

此方專於利小便也

服桂枝湯或下之仍頭項強痛翕翕發熱無汗心下滿微痛小便不利者此湯主之

頭痛發熱桂枝症仍在也以其無汗則不

宜更用桂枝心下滿則用白朮小便不利則用茯苓此症乃亡津液而有停飲者也 凡方中有加減法皆佐使之藥若去其君藥則另立方名今去桂枝而仍以桂枝為名所不可解殆以此方雖去桂枝而意

仍不離乎

桂枝也

桂枝去芍藥加蜀漆龍骨牡蠣救逆湯 十五

桂枝湯原方去芍藥加蜀漆

二兩洗去腥

牡蠣 五兩

龍骨 四兩

右七味以水一斗二升先煮蜀漆減二升



納諸藥煮取三升去滓溫服一升

傷寒脉浮醫以火迫劫之亡陽必驚狂

以火劫其胸中之陽

起臥不安者此湯主之

此與少陰汗出之亡陽迥別蓋少陰之亡陽乃亡陰中之陽故

用四逆輩回其陽於腎中今乃以火逼汗亡其陽中之陽故用安神之品鎮其陽於心中各有至理不可易也

去芍藥因陽虛不復助陰也蜀漆去心腹邪積龍骨牡蠣治驚癇熱氣

桂枝甘草龍骨牡蠣湯十六

桂枝

一兩

二兩

牡蠣

二兩

龍骨

二兩

右四味以水五升煮取二升半去滓溫服八合日三服

脉浮宜以汗解

此治脉浮之總訣

用火灸之

誤邪無從出因火而盛

火反病從腰以下必重而癢名火逆也

火氣在上

則陰氣獨治於下故重而癢

火逆下之

又誤

因燒針煩躁者

更誤治下之虛其陰燒針又益其陽則胸中益煩躁不寧矣

桂枝甘草龍骨牡蠣湯

主之鎮其陰氣散其火邪上下同治前方驚狂治重在心故用蜀漆此無驚狂象故蜀漆不用其症藥大段相同

桂枝加葛根湯

十七

此湯成無己本有麻黃非有麻黃則為葛根湯矣

桂枝湯原方加葛根四兩桂枝芍藥各減一兩餘同

右六味以水一斗先煮葛根減二升去上沫納

諸藥煮取三升去滓溫服一升覆取微似汗不須啜粥

太陽病項背強八八反汗出惡風者

八八伸頸之象邪氣漸深故加葛根

桂枝加葛根湯主之

桂枝加芍藥湯十八

傷寒類方

桂枝湯

麻黃湯

五

桂枝湯原方芍藥加一倍 右五味以水七升煮取三升溫服一升日三服

桂枝加大黃湯 十九 此二方俱治太陰症而法不離乎桂枝

桂枝湯原方加大黃一兩芍藥一倍 右六味以水七升煮取三升去滓溫服一升日三服

本太陽病醫反下之 誤治因而腹滿時痛屬太陰也 引邪入於太陰故 所現皆太陰之症 桂枝加大黃湯主之 雖見太陰症而太陽之症尚未

罷故仍用桂枝湯只加芍藥一倍以斂太陰之症 大實痛者 此句承上文腹滿時痛言腹滿時痛不過桂枝加大黃湯主之此因

而見太陰之症大實痛則反成太陰之實邪仍用大黃引之即從太陰出不因誤下而禁下見症施治無不盡然 按活人書云桂枝湯自西北人四時行之無不應驗江淮間惟冬及春可行之春末及夏至以前桂枝症可加黃芩一分謂之陽旦湯夏至後可加知母半

兩石羔一兩或加升麻一分若病人素虛寒者不必加減

麻黃湯類二

麻黃湯一

麻黃 三兩 去節 桂枝 二兩 去皮 甘草 一兩 炙 杏仁 七十個 去皮尖 右四味以水九升先煮麻黃減二升 此須多煮取其力專不僅為去上沫

止痰 去上沫納諸藥煮取二升半去滓溫服八合覆取微似汗不須啜粥 以其易發汗也 餘如桂枝將息法

活人書云夏至後用麻黃湯量加知母石羔黃芩蓋麻黃性熱恐有發黃斑出之慮

太陽病頭痛發熱身疼腰痛骨節疼痛 此痛處比桂枝症尤多而重因榮衛俱受傷故也 惡風無汗而喘者 此二症乃肺氣不舒之症麻黃治無汗杏